

**Jawatankuasa Panel Semakan
Teks Khutbah
Negeri Pulau Pinang**

- 1. SS Prof Madya Dato' Dr. Mohd Sukki bin Othman
(Pengerusi)**
Mufti Kerajaan Negeri Pulau Pinang
- 2. YBhg. Ustaz Muhammad Fadzil bin Alias**
Pengarah, Yayasan Dakwah Islamiyah (YADIM) Pulau Pinang
- 3. YBhg. Ustaz Ahmad bin Hashim**
Penasihat, Pusat Pengajian Tahfiz Al-Quran (PPTQ)
Kolej Islam Teknologi Antarabangsa Pulau Pinang (KITAB)
- 4. YBhg. Ustaz Subki bin Mohamed**
Mantan Pensyarah Kanan, IPG Kampus Tuanku Bainun
- 5. YBrs. Dr. Mohamad Zaki bin Hj Abdul Halim**
Penolong Mufti, Bahagian Fatwa,
Jabatan Mufti Negeri Negeri Pulau Pinang
- 6. YBhg. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 7. YBhg. Ustaz Ahmad Shahimi bin Senawi**
Pendakwah
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Hargai Keluarga Sementara Masih Ada

8 November 2024M/ 6 Jamadilawal 1446H

الْحَمْدُ لِلَّهِ الْقَائِلِ: وَمِنْ آيَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ
بَيْنَكُمْ مَوَدَّةً وَرَحْمَةً إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ ﴿٢١﴾ سورة الروم
أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ النُّورُ الْهَادِي
لِلنَّاسِ أَجْمَعِينَ.

وَالصَّلَاةَ وَالسَّلَامَ عَلَى رَسُولِ اللَّهِ مُحَمَّدِ بْنِ عَبْدِ اللَّهِ الَّذِي بَعَثَهُ اللَّهُ رَحْمَةً
لِلْعَالَمِينَ، وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ، فَقَدْ فَازَ الْمُتَّقُونَ.

SIDANG JUMAAT YANG DIRAHMATI ALLAH SEKALIAN,

Menjadi tanggungjawab saya di sini untuk berpesan kepada diri sendiri dan sidang jemaah sekalian untuk sama-sama bertakwa kepada Allah *سُبْحَانَهُ وَتَعَالَى* dengan semaksimum takwa. Semoga dengan jalan takwa menyebabkan ibadah kita sampai kepada Allah *سُبْحَانَهُ وَتَعَالَى*.

Sebelum meneruskan bicara, khatib ingin mengingatkan sidang hadirin sekalian, agar memberi fokus dan mendengar dengan sepenuh hati kandungan khutbah Jumaat hari ini. Alangkah ruginya kita yang sudah berada di dalam masjid ini, tetapi masih terleka dengan urusan



dunia. Bagi menyempurnakan Jumaat kita pada hari ini, marilah kita menghayati khutbah yang bertajuk: **“Hargai Keluarga, Selagi Masih Ada.”**

SIDANG JUMAAT YANG DIRAHMATI ALLAH,

Setiap orang memiliki keluarga. Mereka yang dianggap keluarga adalah seseorang yang sangat rapat dengan kita. Bersesuaian dengan nama silaturrahim, iaitu hubungan yang terikat daripada rahim ibu yang sama. Sekiranya berada jauh, alat komunikasi menjadi pengubat kerinduan. Oleh kerana hubungan ini sangat istimewa maka ia perlu dijaga erat. Seseekali konflik dan krisis melanda, anggaplah ia sebagai penyedap rasa dalam kehidupan. Apa yang penting, bagaimana konflik tersebut diuruskan dengan baik.

SIDANG HADIRIN YANG DIRAHMATI LLAH,

Rasulullah ﷺ hidup dalam suasana yang penuh dengan kecintaan dan kasih sayang. Cinta kasih Nabi terhadap Khadijah رَضِيَ اللَّهُ عَنْهَا tergambar dalam sebuah riwayat sahih daripada Al-Bukhari dan Muslim sebagaimana berikut:

Setelah Khadijah meninggal dunia, Rasulullah berkahwin dengan ‘Aisyah رَضِيَ اللَّهُ عَنْهَا. Suatu hari ketika Rasulullah sedang berada di depan rumah, tiba-tiba Rasulullah meninggalkan ‘Aisyah menuju kepada seorang perempuan. Baginda memanggilnya dan menyuruh perempuan itu duduk di hadapannya kemudian mengajaknya berbicara.

A'isyah kemudian bertanya, “Siapakah perempuan tua ini?”



Rasulullah menjawab, inilah sahabat Khadijah dahulu. “Lalu ‘Aisyah berkata, Engkau sebut-sebut juga Khadijah padahal Allah telah menggantikannya dengan isteri yang lebih baik.”

Ketika itu merah padam muka Baginda menandakan marah. Lalu Baginda bersabda, “Demi Allah, tidak ada sesiapa yang dapat menggantikan Khadijah. Dialah yang memberikan kepadaku kebahagiaan ketika orang menghinaku. Dialah yang menghiburkanku dalam penderitaan ketika semua orang membenciku. Dialah yang memberikan seluruh hartanya kepadaku ketika semua orang menahan pemberiannya. Dan dialah yang menganugerahkan kepadaku anak ketika isteri-isteri yang lain tidak memberikannya.” Mendengar itu A’isyah tidak dapat memberikan jawapan balas.

Penghargaan seorang suami kepada pengorbanan seorang isteri adalah salah satu kaedah menunjukkan kasih sayang. Ambillah kisah ini agar dapat mencontohi Baginda صَلَّى اللهُ عَلَيْهِ وَسَلَّمَ sebagai panduan dalam menguruskan keluarga. Jika Khadijah yang telah meninggal dihargai Baginda, apatah lagi isteri-isterinya yang masih hidup, sudah tentu dihargai Baginda صَلَّى اللهُ عَلَيْهِ وَسَلَّمَ.

MUSLIMIN RAHIMAKUMULLAH,

Jika kita perhalusi sikap ini, ia menimbulkan persoalan; kenapa tidak kita yang mendahulukan kasih sayang, sebelum kita mengharapkas kasih sayang daripada orang lain? Abu Hurairah رَضِيَ اللهُ عَنْهُ meriwayatkan bahawa Nabi صَلَّى اللهُ عَلَيْهِ وَسَلَّمَ pernah mencium Hasan bin Ali رَضِيَ اللهُ عَنْهُ. Perlakuan ini diperhatikan oleh Al-Aqraa’ bin Habis (الأقرع بن حابس). Al-



Aqraa' kemudian berkata: "Aku mempunyai sepuluh orang anak, dan aku belum pernah mencium seorang pun daripada mereka. Kemudian Rasulullah ﷺ memandangnya dan bersabda:

مَنْ لَا يَرْحَمُ لَا يُرْحَمُ

Maksudnya: "Sesiapa yang tidak pernah mengasihi, dia tidak akan dikasihi."

Seseorang pekerja sudah tentu perlu bertanggungjawab dengan kerjanya. Namun begitu, pentingkah kerjaya sehingga sanggup mengabaikan hubungan dengan orang di sisi? Tanggungjawab dan kasih sayang adalah dua perkara yang saling berkait dalam sebuah kehidupan. Seseorang yang tidak bertanggungjawab, dia bukan seorang yang penyayang, begitulah sebaliknya. Allah ﷻ berfirman dalam Surah ar-Rum ayat 21 yang bermaksud:

"Dan di antara tanda-tanda (kebesaran-Nya) ialah Dia menciptakan pasangan-pasangan untukmu dari jenis kamu sendiri, agar kamu cenderung dan merasa tenteram kepada-Nya. Dan Dia menjadikan di antara kamu rasa kasih dan sayang. Sungguh, pada yang demikian itu benar-benar terdapat tanda-tanda (kebesaran Allah) bagi kaum yang berfikir."

Dalam hal ini, sebagaimana Allah memerintahkan agar kita menjaga keluarga daripada api neraka, maka ia bukan sekadar menjaga tetapi juga mendidik dan membimbing. Ia datang dengan sebuah kasih sayang yang terbina sesama keluarga. Mendidik tidaklah bermakna



mengarah, tetapi ia terbina dari sisi ingin bersama-sama masuk syurga dan mengelak dari terjerumus ke lembah neraka.

SIDANG JUMAAT YANG DIMULIAKAN,

Adakah kita sanggup melihat ibu ayah, isteri dan anak-anak melambai tangan merayu-rayu agar diselamatkan daripada api neraka? Oleh yang demikian, hargailah mereka yang masih ada agar dapat mengharungi kehidupan ini untuk mendapat keampunan dan kehormatan daripada Allah **سُبْحَانَهُ وَتَعَالَى**.

Lebih dari itu, keluarga adalah mereka yang sentiasa berada di sisi ketika susah dan senang. Pengorbanan mereka terhadap kita lebih berhak dihargai berbanding dengan urusan kerja yang berlebihan di luar. Tunjukkan simpati dan hargai mereka atas susah payah dalam menjaga keluarga ketika kita keluar daripada rumah mencari rezeki. Apatah lagi ketika kita sakit, siapa lagi sandaran melainkan keluarga yang kita sayangi ini.

Seorang isteri yang baik, setia menunggu kepulangan suaminya dari tempat kerja. Begitu juga, anak-anak ternanti-nanti ayahnya pulang. Maka, hargailah mereka dengan menunjukkan senyuman dan tawa walau dalam kepenatan mencari rezeki. Senyuman itu hanyalah ringan, tetapi sangat bermakna buat mereka yang menerima. Betapa indahnya hidup berkeluarga apabila masing-masing saling menghargai di antara satu sama lain.

SIDANG JEMAAH YANG DIRAHMATI ALLAH SEKALIAN,



Sebagai kesimpulan, terdapat empat pengajaran daripada khutbah yang disampaikan pada hari ini.

Pertama: Keluarga adalah lambang kebahagiaan seseorang. Tanpa keluarga hilang kebahagiaan kita di dunia ini.

Kedua: Keluarga adalah benteng kita di alam akhirat. Mereka boleh menyelamatkan kita daripada api neraka Allah *سُبْحَانَهُ وَتَعَالَى*.

Ketiga: Keluarga hendaklah dihargai dari dalam hati sehingga di luar fizikal. Semarakkan kasih sayang dari dalam hati sehingga ia dapat dirasa dengan akhlak yang baik sesama keluarga.

Keempat: Keluarga memerlukan bimbingan dan didikan kita agar bahtera yang dibina tidak karam di tengah perjalanan. Seboleh mungkin, kemudilah bahtera ini sehingga ia boleh dibawa sehingga ke syurga.

Firman Allah *سُبْحَانَهُ وَتَعَالَى* dalam surah at-Tahrim ayat 6:

يَا أَيُّهَا الَّذِينَ ءَامَنُوا قُوا أَنفُسَكُمْ وَأَهْلِيكُمْ نَارًا وَقُودُهَا النَّاسُ وَالْحِجَارَةُ عَلَيْهَا مَلَائِكَةٌ غِلَاظٌ شِدَادٌ لَا يَعْصُونَ اللَّهَ مَا أَمَرَهُمْ وَيَفْعَلُونَ مَا يُؤْمَرُونَ ﴿٦﴾

Maksudnya: “Wahai orang-orang yang beriman! Peliharalah diri kamu dan keluarga kamu dari neraka yang bahan-bahan bakarnya: manusia dan batu (berhala); neraka itu dijaga dan dikawal oleh malaikat-malaikat yang keras kasar (layanannya); mereka tidak menderhaka kepada Allah dalam segala yang diperintahkan-Nya kepada mereka, dan mereka pula tetap melakukan segala yang diperintahkan.”



بَارَكَ اللهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهَدْيِ سَيِّدِ الْمُرْسَلِينَ،
أَقُولُ مَا سَمِعْتُمْ، وَأَسْتَغْفِرُ اللهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ،
فَاسْتَغْفِرُوهُ، إِنَّهُ هُوَ الْعَفُورُ الرَّحِيمُ.





Khutbah Kedua

2024M/1446H

الْحَمْدُ لِلَّهِ عَلَىٰ آلِهِ وَإِحْسَانِهِ، وَالشُّكْرُ لَهُ عَلَىٰ تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِشَأْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَىٰ رِضْوَانِهِ.

صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعَلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ أَعِزِّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَأَنْصُرْ مَنْ نَصَرَ
الدِّينَ، وَاخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ.

اللَّهُمَّ أَنْصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ
مَكَانٍ، اللَّهُمَّ ثَبِّتْ إِيمَانَهُمْ وَأَنْزِلِ السَّكِينَةَ فِي قُلُوبِهِمْ وَوَحِّدْ صُفُوفَهُمْ.



اللَّهُمَّ وَفَّقْ قَادَتَنَا وَرُعَمَاءَنَا وَوُلَاةَ أُمُورِنَا لِمَا فِيهِ عِزُّ دِينِكَ وَنَصْرُ شَرِيعَتِكَ،
اللَّهُمَّ اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ
وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Sultan Ibrahim dan Kebawah Duli Yang Maha Mulia Seri Paduka Baginda Raja Permaisuri Agong, Raja Zarith Sofiah.

وَكَذَلِكَ صَاحِبِ الْفَخَامَةِ،

Tun Ahmad Fuzi Haji Abdul Razak, Yang di-Pertua Negeri Pulau Pinang dan Yang Amat Berbahagia Toh Puan Khadijah Mohd Noor.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَن بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Penyayang; Jadikanlah kami dan keturunan kami orang-orang yang istiqamah mendirikan solat secara berjemaah, mengeluarkan zakat melalui Zakat Pulau Pinang dan melaksanakan waqaf melalui Wakaf Pulau Pinang. Rahmatilah jua para pembayar zakat dan pewakaf sekalian, serta berkatilah usaha Kerajaan Negeri melalui Majlis Agama Islam Negeri Pulau Pinang dalam usaha mewujudkan keseimbangan sosio-ekonomi ummah di negeri yang tercinta ini.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٥١﴾ فَادْكُرُوا اللَّهَ الْجَلِيلَ
يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٤١﴾

